

ጳውሎስ ቆላስያሳ ኣሳስ ፃፊዳ ኪታ ጋላ ቆፋ

ጳውሎስ ቆላስያሳ ኣሳስ ፃፊዳ ኪታይ ፃፊተዳይ፣ ጉላ ኢሲያን፣ ኤፌሶናፕ ዶሎሃ ባጋራ ዳዒያ ቆላስያሳ ካታማን ዳዒያ ዋሳ ኬላሳ። ሄ ዋሳ ኬላ ኤሲዳይ ጳውሎሳ ጊዶና ኢዲካ፣ ሮሜ ቢታን ኢሲያ ዋና ካታማ ጊዲዳ ኤፌሶናፕ ዋንጌላ ኦሳንቸታ ኪቲይ ኢያ ጊዲያ ጊሾ ቆላስያሳሰካ ኣዋቲላ ኢያው ዳዒስ። ቆላስያሳ ዋሳ ኬላን፣ «ፆሳ ኤራናዉኔ ኩሜላ ኣቶቲላ ዳማናው ኣሲ ኡባይ ኣያና ዋልቃታሲኔ ማታታስ ጎይናናው ኮሼስ» ያጊያ ዋርዶ ኣስታማሬቲ ዳዒይሳ ጳውሎስ ሰዒሰ። ሄ ኣስታማሬቲ ታማርሲያ ሃራባይ፣ ቃሲ፣ «ኣሲ ኡባይ ቃፃሮ ዳኒያ ዋጋታስ ሃራታናዉኔ ካላ ዋጋ ኡባ ናጋናው ኮሼስ» ያጎሶና።

ጳውሎስ ሃ ኪታ ፃፊዳይ፣ ቱማ ኣማኖ ቲሚርቲያ ታማርሲዲ፣ ኤንታ ዋርዶ ቲሚርቲያ ላላናሳ። ኢ ዛሪዳ ዛርታፕ ዋናቲይ፣ «ዩሱስ ኪሪስቶሲ ኩሜላ ኣቶቲላ ኢሜስ፤ ሃራ ሃይማኖቲቲኔ ኦሶቲ ኢያፕ ሃሶሶና» ያጌይሳ። ፆሳይ ኪሪስቶሳ ባጋራ ኣላሚያ ሜዲስ። ቃሲ ኢያ ባጋራ ዛሪዲ ባኩ ኤሃና። ሃ ኣላሚያስ ኣቶቲላ ኡፋይሳይ ዳዒይ ኪሪስቶሳ ኣማናና። ሄሳ ጊሾ፣ ጳውሎስ ሃ ጊታ ቲሚርቲይ ኣማኒያ ኣሳ ዳፆን ዋኒዲ ኦሶን ፔዳናው ቤሲያኮ ኦዴስ። ሃ ኪታይኔ ኤፌሶና ኣሳስ ፃፊዳ ኪታይ፣ ባ ኦይኪዳ ቆፋኒኔ ኪታን ዋሊ ዳኖሶና። ሃ ናምዑ ማፃፋታ ጊዶን ዳዒያ ዲማቲላይ፣ ኤፌሶናን ኪሪስቶሲ ዋሳ ኬላስ ሁዔ፣ ቆላስያሳን ኪሪስቶሲ ሜዴቲላስ ሁዔ።

ሃ ኪታ ጳውሎሳፕ ኤኪዲ ቆላስያሳ ጋላናው ቢዳ ቲኪቆሳራ ኢሲፌ ዳዒይ ኣናስዋሳ ጊዳይሳ ቤሶይ ማዲያባ። ዋኒዲ ጊኮ፣ ጳውሎስ ኣናስዋሳ ጌቲቲያ ባ ኦሳንቸዋባ ፊልዋናስ ሃራ ኪታ ፃፊሰ።

ቆላስያሳ ኪታ ኣይፌ ቆፋታ

- ጌሎ ቆፋ 1:1-8
- ኪሪስቶሳ ካንዲዋኔ ኦሱዋ 1:9-2:19
- ኪሪስቶሳን ዳዒያ ኦራላ ዳፆ 2:20-4:6
- ዉርሴላ ሳርሶኔ ኩሻ ቆፋ 4:7-18

1 ያሳ ሼኔን ኪሪስቶስ ዩሱሳ ሃዋሪ ጊዲዳ ጳውሎስኔ ኑ አሻ ዊዋቲዮሲ።

2 ቆላሲያሳ ካታማን ዳዒያ ኪሪስቶሳን ጌሻታሲኔ አማኔቲዳ አሳስ ፃፊዳ ኪታ።

ያሳ ኑ አዋፔ አቶ ኬሃቴላይኔ ሳሮቴላይ ሂንቴው ጊድ።

ጋላታ ዋሳ

3 ኑኒ ሂንቴው ዋሲያ ዋዴ ያሳ ኑ ጎዳ፣ ዩሱስ ኪሪስቶሳ አዋ ኡባ ዋዴ ጋላቶስ።

4 ኑኒ ኪሪስቶስ ዩሱሳን ዳዒያ ሂንቴ አማኑዋኔ ጌሻታ ኡባስ ዳዒያ ሂንቴ ሲቁዋ ሲዒዳ።

5 ሄሳ ሂንቴ ኦሴዳይ ሂንቴ ኡፋይሳይ ሳሎን ሂንቴው ናጌቲዳ ጊሾሳ። ሂንቴ ቱማ ኪታ ጊዲዳ ዋንጌላ ኮይሮ አማኒዳ ዋዴ ሄ ኡፋይሳ ሲዒዳታ።

6 ሂንቴ ሄ ዋንጌላ ሲዒዳ ዋዴኔ ያሳ አቶ ኬሃቴላ ቱማ ሻኪ ኤሪዳ ዋዴፔ ደሚዲ ሂንቴ ጊደን ሃኒዳይሳዳ ቢታ ኡባን ዲጨሼኔ አይፊሼ ዳዔስ።

7 ሂንቴ ሄሳ ኑራ ኢሲፊ ኪሪስቶሳስ ኦሴያ አማኔቲዳ፣ ደሴቲዳ ኤጳፊራፔ ታማሪዳታ።

8 ኢ ሄሳ ቦላ ጉጂዲ አያናይ ሂንቴው አሚዳ ሲቁዋባ ኑስ ኦዲስ።

9 ሄሳ ጊሾ፣ ኑኒ ሂንቴባ ሲዒዳ ጋላሳፔ ደሚዲ፣ ያሳይ ባ ሼኒያ ሂንቴና ቤሳና ማላኔ፣ ጌሻ አያናይ አሚያ ኤራቴላኒኔ ጨንጨቴላ ኡባን ሂንቴና ኩንላና ማላ ኡባ ዋዴ ሂንቴው ያሳ ዋሶስ።

10 ሄሳዳካ፣ ጎዳይ ኮዩይሳዳ ሂንቴ ዳና ማላ፣ ኡባ ዋዴ ኢያ ኡፋይሳና ማላ፣ ሎዎ ኦሶ ኡባን ሂንቴ አይፊ አይፋና ማላኔ ያሳ አሊ ኤሪሼ ዲጫና ማላ ያሳ ዋሶስ።

11 ያሳ ቦንቾ ዋልቃይ ሂንቴ ኡባባ ጌንጫናዳኔ ዳንዳናዳ ባ ሚናቴላ አሚዲ ሂንቴና ኡፋይሶ።

12 ቃሲ ጌሻታ ፖዎ ካዋቴላ ላታና ማላ ሂንቴና ኦሴዳ አዋ ጋላቲቴ።

13 ኢ ኑና ቋማ ዋልቃፊ አሺዲ ባ ደሲያ ናዓ ካዋቴላኮ ኤሂስ።

14 ኢያን ዋዜቲዲ ኢያ ሱላን ናጋራ አቶቴሊ ዳሚዳ።

ኪሪስቶሳ ቶቃቴላ

15 ኪሪስቶስ በንቶና ያሳሰ ቱማ ለሚሶ። ኢ ሜዴቴላ ኡባፌ ባይራ።

16 ኡባባይ ኢያ ባጋራ ሜዴቴሰ። በንቲያባቲኔ በንቶናባቲ። ዋልቃቲኔ ጎዳቲ። ሃሬይሳቲኔ ማታ አዋቲ። ሳሎኒኔ ሳዓን ዴዒያ ኡባይ ኢያውኔ ኢያ ባጋራ ሜዴቴሰ።

17 ኢ ኡባባፔ ካሴ ዴዒሰ። ኡባባይ ኢያን ባ በሳን በሳን ኦይኬቴዲ ዴዒሰ።

18 ኢ ባ አሳቴሌ ጊዲዳ ዋሳ ኬላሰ ሁዔ። ኢ ኡባፌ ቦላ ጊዳናው ሃይቆፔ ዴንዶን ሲንጤኔ ባይራ።

19 ያሳይ ባ ኩሜላ ያሳቴላራ ኢያን ዳናው ኮዪሰ።

20 ቃሲ ማሰቃሊያ ቦላ ጉሲዳ ባ ናዓ ሱላን ሳርቴሌ ሜዲዲ ሳሎኒኔ ሳዓን ዴዒያ ኡባ ኢያ ባጋራ ባራ ሲጌሌሰ።

21 ሃይሳፌ ካሴ ሂንቴ ቆፋ ኢታቴላይ ሂንቴና ያሳፌ ሻኪሲኔ ኢያራ ዋርኬ ኦሌሰ፤ ሂንቴ ኦሶይካ ኢታ።

22 ሺን ሃዒ ኪሪስቶስ አሾን ሃይቂዳ ሃይቁዋ ባጋራ ያሳይ ሂንቴና ባራ ሲጌሌዲ፣ ጌሻታ፣ ቦሬይ ባይናይሳታኔ ዒሎታ ኦሌሰ።

23 ሂንቴ፣ ሂንቴ አማኑዋን ቃዖና ሚኒዲኔ ዓጺዲ ዳናው በሴሰ። ሂንቴ ዋንጌላ ቃላ ሲዒዳ ዋዴ ኤኪዳ ኡፋይሳ ሚንሌ ኦይኪቴ። ሄ ዋንጌላይ ሂንቴ ሲዒዳይሳኔ ቢታ ኡባን ሳባኬቴዳይሳ። ታ፣ ጳውሎሲካ ሃ ዋንጌላሰ ኦሳንቾ ጊዳሰ።

ጳውሎሳ ሃዋሪቴላ ኦሱዋ

24 ታኒ ሂንቴ ጊሾ ሃዒ ኤኪያ ዋያን ኡፋይታይሰ። ኪሪስቶስ ኢያ አሳቴሌ ጊዲዳ ዋሳ ኬላሰ ኤኪዳ ዋያ ታኒ ታ አሹዋን ፖላይሰ።

25 ያሳ ቃላ ሂንቴው ፖላዳ ኦዳና ሜላ ታው ኢሜቲዳ ማታን ዋሳ ኬላሰ ኦሳንቾ ጊዳሰ።

26 ሃ ቃላይ ካሴ አዲዳ ዋዲያን ዩሌቴላ ኡባፌ ጌሚዲ ዴዒሰ። ሺን ሃዒ ያሳይ ሃ ፀራ አማኒያ ኡባሰ ቆንጨሲሰ።

27 ያሳይ አይሁዴ ጊዳና አሳ ጊዳን ሃ ፀራ ቦንቾ ዲሬቴላ ቆንጨሲሰ። ኢካ ቦንቾ ኡፋይሲ ጊዲዳ ሂንቴ ጊዳን ዴዒያ ኪሪስቶሳ።

28 ሄሳ ጊሾ፣ ኢሲ ኢሲ ኢሲ ኪሪስቶሳን ኩሜላ ኢሲ ኦሌዲ ሸሻናው ጨንጫቴላ ኡባን አሳ ታማርሶኒኔ ዞሬን ኪሪስቶሳባ ሳባኮሰ።

29 የሳይ ባ ጌታ ዋልቃን ታናን ኦሊያ ጊሾ ሃሲ ጋካናው ኢያ ዋልቃን ባዳታይሲኔ ዳቡራይሲ።

2

1 ታ ሂንቴውኔ ሎዶቂያ ካታማን ደዒያ አሳሰ፣ ሄሳዳካ ታና ኣይፊን ቤዒቦና አሳ ኡባሰ ኣይ ማላ ባዳታይሲኔ ሂንቴ ኤራና ማላ ኮያይሲ።

2 ታ ባዳታይሲኔ ጋሶይካ ኤንቴ ባንታ ዋዛናን ማሲዲ፣ ሲቆን ቃሽቴዲ፣ ፖሎ ጊዲዳ ኩሜላ ኣኬካ ዲራቴላ ደሚዲ የሳ ፀራ ኪሪሰቶሳ ኤራና ማላሳ።

3 ኢያን የሳይ ማንጂዳ ኤራይኔ ጨንጫቴላ ኡባይ ደዒሲ።

4 ታ ሄሳ ኣኪካ ሂንቴና ጨሞ ቃላን ባሌላና ማላ ኮያዳ ጋይሲ።

5 ታ ሂንቴፊ ሃካዳ ደዒኮካ ኣያናን ሂንቴራ ደዒይሲ። ሂንቴ ዲሳ ማራኔ ኪሪሰቶሳ ሂንቴ ማሲዲ ኣማኔይሳ ቤዳዳ ኡፋይታይሲ።

ኪሪሰቶሳን ደዒያ ኩሜላ ደዖ

6 ሂንቴ ጎዳ ኪሪሰቶሰ ዬሱሳ ኤኪዳይሳዳ ኢያን ደዒቴ።

7 ኢያን የጳ ዬዲቴ፤ ኢያን ከዳታቴ። ሂንቴ ታማራይሳዳ ኣማሮን ማሲቴ፤ የሳሰ ኩሚዲ ፓላሂዳ ጋላታ ኢሚቴ።

8 ኪሪሰቶሳፔ ጊዶናሺን ኣሳ ዋጋኒኔ ሃ ኣላሚያ ጮ ዋጋን ካቲዳ ቲሚርቲያኒኔ ኣሳፔ ዬዳ ኤራቴላን ኦኪካ ሂንቴና ጨሚ ባሌላዲ ዲያና ማላ ናጌቴቴ።

9 የሳ የሳቴላይ ኪሪሰቶሳ ኣሳቴላን ኩሜላ ደዒሲ።

10 ሂንቴካ ማታሲኔ ዋልቃ ኡባሰ ሁዔ ጊዲያ ኪሪሰቶሳን ኩሚዳታ።

11 ሂንቴ ኪሪሰቶሳ ኣማሲዲ ቃፃሬቴዳታ። ሄሲካ ኣሳ ኩሼን ጊዶናሺን ሂንቴና ኢታ ሃናቴላፊ ዲጊያ ኪሪሰቶሳን ኦሴቲዳ ቃፃሬቴላ።

12 ሂንቴ የማቄቲዳ ዋዴ ኪሪሰቶሳራ ኢሲፊ ሞጌቲዲ፣ ኪሪሰቶሳ ሃይቆፔ ዳንሊዳ የሳ ዋልቃ ኣማሲዲ፣ ኪሪሰቶሳራ ኢሲፊ ዳንዲዳታ።

13 ሂንቴ፣ ሂንቴ ናጋራ ጊሾኔ ሂንቴ ጨጋ ኣሳቴላ ቃፃሬቶና ጊሾ ሃይቂዲ ደዒሺን፣ የሳይ ሂንቴ ናጋራ ኣቶ ጊሰ። ኪሪሰቶሳራ ሂንቴው ደዖ ኢሚሲ።

14 ኢ ኑና ሞቲያኔ ኑራ ኤቁቲያ፣ ኑ ቦላ ፃፊቲዳ ኣጩዋ ዳኪዲ ማሰቃሊያ ቦላ ዲሺዲ ኦጌፔ ዲጊሰ።

15 ኪሪሰቶሲ ዋልቃታኔ ማታታ ማሰቃሊያን ፃኒዲ፣ ኤንታ ኦላ ዳንጩዋ ቢሊሲዲ፣ ዲዔቲዳ ኣሳዳ ኦሊዲ ኤንታ ቆንጩን ዩሺዲ ቤሲሰ።

16 ሄሳ ጊሾ፣ ሚያባን ዋይኮ ኡያባን፣ ባሌ ጋላሰ ዋይኮ ኣጌኒ ፃሪያ ቃማ ቦንቾን ኦኒካ ሂንቴ ቦላ ፒርዶፎ።

17 ሃይሳቲ ሲንፋፌ ያናው ዴዲያባታሰ ኤሾ፣ ሺን ቱማይ ኪሪሰቶሳ።

18 ቆዴፔ ቆዋ ኣሸኬቴላኒኒ ኪታንቾ ጎይኖን ጩቁቲያ ኦኒካ ሂንቴና ሂንቴ ዋይቱዋፔ ኣሾፎ። ሄሳ ሚላ ኣሲ ባ ቤዒዳ ቆንጩላን ናሽቲሾ ባ ኣሾ ቆፋን ጮ ኦቶርቴሰ።

19 ሄሳ ሚላ ኣሳሰ ሁዔ ጊዲዳ ኪሪሰቶሳራ ጋሂቴላ ባዋ። ኢ ኣሳቴላ ኡባ ሻያኒኔ ኬሶን ኬሶን ጋላ ኦይሊዲ ሙዚዲ ዲቼሰ። ፆሳይ ሄሳ ሚላ ኦጌን ኣሳቴላ ኡባሰ ዲቼ ኢሚሰ።

ኦራላ ዴያ

20 ሂንቴ ኪሪሰቶሳራ ሃይቁዲ ሃ ኣላሚያ ሃሪያ ኣያናታ ዋልቃፌ ላዓ ኬዬዴታ። ያቲን፣ ኣይሰ ሻኬቶና ኣሳዳ ጊዲዲ ሃ ዋጋታሰ ሃራቴቲ?

21 ሃ ዋጋቲ፣ «ኦይኮፋ፤ ላጮፋ፤ ቦቾፋ» ጌቴቴይሳታ።

22 ሃ ኡባይ ኣሳ ዋጋኔ ቲሚርቴ ጊዲያ ጊሾ ኦሶ ቦላ ፔዒዳፔ ጉዬ ዳያና።

23 ሃ ኪታቲ ቦንቾኔ ጨንጨቴላ ዳኒዲ ቤንታናው ዳንዳዖሶና። ሃ ዋጋቲ ዖሴ ዳር ደሲሲያባ፣ ኣሸኬኔ ሂንቴ ኣሳቴላ ሃሪሲያባ ዳናሶና፣ ሺን ኑ ኢታ ኣሞቴላ ቦላ ዋልቁ ኤንታው ባዋ።

3

ኦራላ ዴያ

1 ሃዛ፣ ሂንቴ ኪሪሰቶሳራ ሃይቆፔ ዴንዲዳይሳዳ፣ ፆሳፌ ኡሻቻ ባጋን ኡቲዳ ኪሪሰቶሲ ዴዲያ ቤሳን፣ ሳሎን ዴዲያባታ ኮዪቴ።

2 ሳሎን ዴዲያባታ ቦላ ሂንቴ ቆፋ ዋሊቴፔ ኣቲን ሳዓን ዴዲያባታ ቦላ ዋሶፊቴ።

3 ሂንቴ ሃይቆን ሻኬቲዳ ሚላ ሃ ኣላሚያፔ ሻኬቲዴታ። ሂንቴ ዴያይ ኪሪሰቶሳራ ኢሲፌ ዖሳን ጌሚሰ።

4 ሂንቴው ደግ ጊዲዳ ከሪስቶሲ ቆንጪያ ዋዴ ሄ ዋዴ ሂንቴካ ኢያራ ቦንቸን ቆንጫና።

5 ሄሳ ጊሾ፣ ሂንቴናን ዴዲያ አላሚ አሞታ ዋዲቴ። ሄሳቲካ ላይማቴሉ፣ ቱናቴሉ፣ ላይማታናው አሞቴሉ፣ ኤቃ ጎይኖ ማላ ጊዲዳ ኡዜቴሉ።

6 ሃይሳታ ጋሶን ያሳ ሃንቆይ ከቴቶና አሳ ቦላ ያና።

7 ሂንቴካ ካሴ ሄ ኢታ ኦጊያን ቢያ አሳ ጊዶን ዴዲሼ ሃይሳታ ኦሊዴታ።

8 ሃዒ ሂንቴ ሄሳታ ኦላፊቴ። ቃሲ ሃንቆ፣ ኢዳ፣ ካቺ፣ ዘገርሲኔ ቦርሶ ኦዳ ሂንቴፊ ዲጊት።

9 ጩጋ አሳቴላ ኢያ ኦሱዋራ ሂንቴፊ ቃሪዳ ጊሾ ኢሶይ ኢሱዋሰ ዋርዶቶፒቴ።

10 ያሳ ማዶ ዳኒያ፣ ኤራቴላን ላሜቲዳ ኦራላ አሳቴላ ማዒቴ።

11 ሃ ኦራላ ማዶቴላን፣ ገሪኬ አሲ ዋይኮ አይሁዴ አሲ፣ ቃፃሪቲዳይ ዋይኮ ቃፃሪቶናይ፣ ባርባሬ አሲ * ዋይኮ ኢሰኩቴ አሲ † አይሌይ ዋይኮ ዋማናይ ባዋ። ከሪስቶሲ ኡባ፤ ኢ ኡባን ዴዴሴ።

12 ሄሳ ጊሾ፣ ያሳን ዶሬቲዳ አሳዳ ጌሻታኔ ዶሴቲዳይሳታ ጊዲዲ፣ ማርቴላ፣ ከሃቴላ፣ አሽኬቴላኔ ዳንዳዓ ማዒቴ።

13 ኢሶይ ኢሱዋ ዳንዳዒቴ። ኦኒካ ባ ላጊያን ቆሄቲዳባይ ዴዲኮ ኢያው አቶ ጎ። ጎዳይ ሂንቴው አቶ ጊዳይሳዳ ሂንቴካ ዋሊሰ አቶ ጊቴ።

14 ሄ ኡባ ቦላ ኡባባ ኢሲፊ ሺሺዲ ቃቺያ ሲቆ ማዒቴ።

15 ያሳይ ሂንቴና ኢሲ አሲ ኦሊዲ ፃጊዳይ፣ ሳርቴላሰ ጊዲያ ጊሾ ከሪስቶሳ ሳርቴላይ ሂንቴ ዋዛና ሃር።

16 ከሪስቶሳ ቃላይ ሂንቴ ዋዛናን ኩሚዲ ዴያ። ጨንጨቴላ ኡባን ኢሶይ ኢሱዋ ታማርሲቴኔ ዘሪቴ። ማዘሙሬን፣ ሳባኒኔ አያና ዬላን ያሳ ዋዛናፕ ጋላቲሼ ዬፂቴ።

17 ያሳ አዋ ዬሱሳ ባጋራ ጋላቲሼ ሂንቴ ኦዴቲያባ ዋይኮ ኦሊያባ ኡባ ጎዳ ዬሱሳ ሱንሳን ኦሊቴ።

አማኒያ አሳ ዱሳ

3:9 ኤፌ 4:22 3:10 ሜዶ 1:26፤ ኤፌ 4:24 * 3:11 ባርባሬ አሲ፣ ጉሳይ ታማሪቦና ዋይኮ ኤርና ዋይኮ ዬሌቲዳ ማላ ሰዒ ጊዲ ዴዲያ አሲ ጉሱ። † 3:11 ኢሰኩቴ አሲ፣ ጉሳይ ዋዛና ሚኖ አሲ ዋይኮ ዋዛና ኢታ አሲ ጉሱ። 3:12 ኤፌ 4:2 3:13 ኤፌ 4:32 3:16 ኤፌ 5:19-20

- 18 ማቼቶ፡ አማኒያ አሳስ በሲያባ ጊዲያ ጊሾ ሂንቴ አዘናታስ ሃሬቲቴ።
- 19 አዘናቶ፡ ሂንቴ ማቼታ ሲቁቴ፤ ኤንታው ኢቶፒቴ።
- 20 ናይቶ፡ ሂንቴና ዩሊዲይሳታስ ኡባባን ከቴቲቴ፤ ሄሲ ጎዳ ኡፋይሲያባ።
- 21 አዋቶ፡ ሂንቴ ናይቲ ኡፋይሲ ቃንጾና ማላ ኤንታ ጫሜሶፊቴ።
- 22 አይሌቶ፡ ሳዒን ሂንቴው ጎዳ ጊዲዲይሳታስ ኡባባን ከቴቲቴ። ጎዳ ቦንቸሼ ሱሬ ዋዛናፔ ከቴቲዲ ኤንታ ኡፋይሲቴፔ አቲን አሲ በዶ ጊዲ ኦሶፊቴ።
- 23 ሂንቴ ኦሶያ ኦሶ ኡባ አሳስ ጊደናሺን ጎዳስ ኦሶያ ማላ ዋዛናፔ ኦሶቴ።
- 24 ጎዳፔ ለታ ዋይቶ ኦሶዲ ሂንቴ ኤኬይሳ ኤሪቴ፤ ሂንቴ ጎዳ ከሪሰቶሳ ሃጋዜታ።
- 25 ያሳይ አሳ ሶምጾ በዒዲ ፐርዶና ጊሾ ኦኒካ ኢታ ኦሶ ኦሶቦ ባ ኢታ ኦሶቦ ጊሾ ዛር ኤካና።

4

- 1 ጎዳቶ፡ ሂንቴዉካ ቃሲ ሳሎን ጎዳይ ዴዔይሳ ኤሪዲ፡ ሂንቴ አይሌታስ ጸሎቴላኒ ኢሱዋ ኢሱዋፊ ሻኮና ኮሺያባ ኦሶቴ።
- 2 ያሳ ባርኪዲ ጋላቲሼ ቃንጾና ዋሲቴ።
- 3 ያሳይ ባ ቃላስ ፔንጌ ደያና ማላኔ ታኒ ሄሳ ጋሶን ቃሾን ዴዒያ ከሪሰቶሳ ፀራ አዋጅና ማላ ኦሶካ ዋሲቴ።
- 4 ቃሲ ታካ በሴይሳዳ ቃላ ቆንጨሳዳ ኦዳና ማላ ታው ያሳ ዋሲቴ።
- 5 ኢንጅቲያ ዋዴ ኡባ ጎዔቲሼ አማኖና አሳ ማታን ጨንጫቴላን ዴዒቴ።
- 6 ሂንቴ አሳ ኡባሰ ኮሺያ ዛር ኢሞ ኤራና ማላ ሂንቴ ኦዳይ ኡባ ዋዴ አጾ ኬሃቴላን ኩሚዲይሳኔ ማጻኔዳ ማልዒያባ ጊደናው በሴሰ።

ወርሴላ ሳርታ

7 ኑ ሲቆ ኢሻይ ቲኪቆሲ፡ ታራ ኢሲፊ ጎዳ ኦሶቦን አይሌ ጊዲዳ፡ አማኔቲያ ኦሳንቸይ፡ ታ ዴዐቦባ ሂንቴው ኦዳና።

3:18 ኤፌ 5:22፤ 1ጴፂ 3:1 3:19 ኤፌ 5:25፤ 1ጴፂ 3:7 3:20 ኤፌ 6:1
 3:21 ኤፌ 6:4 3:22 ኤፌ 6:5-8 3:25 ኤፌ 6:5-8 4:1 ኤፌ 6:9
 4:5 ኤፌ 5:16 4:7 ሃ.ኦ 20:4፤ 2ፂሞ 4:12 4:7 ኤፌ 6:21-22

8 ታኒ ኢያ ሂንቴኮ ከተዳይ፣ ኑ ዋኒዲ ዴዲያኮ ሂንቴው ኦዲዲ ሂንቴና ሚንጮፋና ማላሳ።

9 ኣናስሞሲ፣ ኣማኔቲያ ሲቆ ኢሻይ፣ ሂንቴ ባጋይ፣ ኢያራ ሂንቴኮ ቤስ። ኤንቴ ሃይሳን ሃኒያባ ኡባ ሂንቴው ኦዳና።

10 ታራ ቃሹቲዳ ኣሪስጂሮኮሲኔ ባርናባሳ ኢሻ ናዓይ ማርቆሲ፣ ሂንቴና ሳሮ ያጎሶና። ታ ሂንቴው ካሴ ኦዲዳይሳዳ ማርቆሲ ሂንቴኮ ቢኮ ኢያ ሞከቴ።

11 ዬሱሳ ጊያ ያሰያሲ ሂንቴና ሳሮ ሳሮ ያጌስ። ያሳ ካዎቴፋ ጊሾ ታራ ኦሌያ ኣሳታ ጊደፌ ኣይሁዴ ጊዲዳይሳቲ ሃ ሃሽታ፣ ኤንቴ ታና ዳሮ ሚንጮሊደሶና።

12 ሂንቴ ባጋይ፣ ኪሪስቶስ ዬሱሳ ኣይሌይ፣ ኤጳፊሪ ሂንቴና ሳሮ ሳሮ ያጌስ። ኢ ሂንቴ ያሳ ሲንፋን ሚኒዲ ኤቃናዳኔ ያሳ ሼኒያ ኤሪዲ ፖላና ማላ ኡባ ዎዴ ያሳ ሂንቴ ጊሾ ዎሴስ።

13 ኢ ሂንቴ ጊሾኔ ሎዶቂያኒኔ ሂራፖሊሳ ካታማን ዴዲያ ኣሳ ጊሾ ዳሮ ዳቡሪዳይሳ ታ ማርካታይስ።

14 ኑ ሲቆ ኢሻይ ዶቶሬይ ሉቃሲኔ ዴማሲ፣ ሂንቴና ሳሮ ሳሮ ያጎሶና።

15 ሎዶቂያን ዴዲያ ኑ ኢሻታስ፣ ኒምፋሲኔ ኢ ኬፋን ሺቂያ ኣሳስ ኑ ሳርጱዋ ኦዲቴ።

16 ሃ ዳብዳቢያ ሂንቴ ናባቢዳፔ ጉዬ፣ ሎዶቂያ ዎሳ ኬፋን ናባቢሲቴ። ሂንቴካ ሎዶቂያ ዎሳ ኬፋይ ሂንቴው ዬዲያ ዳብዳቢያ ናባቢቴ።

17 ቃሲ ኣርኪጳሳ፣ «ጎዳይ ኔው ኢሚዳ ኦሱዋ ፖላናይሳ ደጎፓ» ያጊዲ ቆፊሲቴ።

18 ታኒ፣ ጳጤሎሲ፣ ሃ ሳርጱዋ ታ ኩሼን ያፋስ። ታ ቃሹዋ ቆፒቴ።

ያሳ ኣጼ ኬሃቴፋይ ሂንቴራ ጊዶ።

4:9 ፊልሞ 10-12 4:10 ሃ.ኦ 19:29፤ 27:2፤ ፊልሞ 24፤ ሃ.ኦ 12:12፣ 25፤
13:13፤ 15:37-39 4:12 ቆላ 1:7፤ ፊልሞ 23 4:14 2ጊሞ 4:10-11፤
ፊልሞ 24 4:17 ፊልሞ 2

ኦራሳ ጩቂዋ ኅፋሶ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source
files dated 29 Jan 2022

c35d6c73-3843-5482-b53e-7559d35deee5